

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj: 01-04-1758/21-6

Datum: 03.08.2021. godine

Na osnovu člana 69. stav 1. tačka b. i člana 70. stavovi 1., 4. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 43. Statuta Općine Banovići (Službeni glasnik općine Banovići broj 2/20) i Preporuke Komisije za javnu nabavku, broj: 01-04-1758/21-5 od 02.08.2021. godine u postupku javne nabavke robe „**Nabavka računara, računarske opreme i druge opreme – laptopi za vijećnike**“, Općinski Načelnik donosi

#### ODLUKU O PONIŠTENJU POSTUPKA JAVNE NABAVKE

##### Član 1.

Prihvata se Preporuka Komisije za javne nabavke broj: 01-04-1758/21-5 od 02.08.2021. godine i **poništava se** postupak javne nabavke robe „Nabavka računara, računarske opreme i druge opreme – laptopi za vijećnike“ **iz razloga što ni jedna od primljenih ponuda nije prihvatljiva.**

##### Član 2.

Ova Odluka stupa na snagu danom donošenja i objavit će se na internet stranici [www.banovici.gov.ba](http://www.banovici.gov.ba) istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

##### o brazloženje

Odlukom o pokretanju postupka javne nabavke robe broj: 01-04-1758/21 od 29.06.2021. godine donesenom od strane ovog organa pokrenut je postupak javne nabavke robe „**Nabavka računara, računarske opreme i druge opreme – laptopi za vijećnike**“.

Predmetna javna nabavka predviđena je Planom javnih nabavki općine Banovići za 2021. godinu, broj: 01-04-627/21 od 05.03.2021. godine, pod stavkom 32.

Javna nabavka robe sprovedena je putem otvorenog postupka javne nabavke.

Procijenjena vrijednost javne nabavke bez PDV-a je 68.370,00 KM.

Predviđeno je provođenje e-aukcije.

Nije predviđeno zaključivanje okvirnog sporazuma.

Obavještenja o nabavci broj: 1220-1-1-93-3-13/21 objavljeno je na Portalu javnih nabavki dana 30.06.2021. godine.

Broj Službenog glasnika BiH u kojem je objavljeno Obavještenje o javnoj nabavci: : 42/21 od 09.07.2021. godine.

Tenderska dokumentacija broj: 01-04-1758/21-1 objavljena je na Portalu javnih nabavki dana 30.06.2021. godine.

Komisija za javne nabavke imenovana rješenjem broj: 01-04-639/21 od 08.03.2021. godine, 01-04-1360/21 od 11.05.2021. godine i 01-04-2034/21 od 13.07.2021. godine, ovom organu dostavila je dana 02.08.2021. godine Zapisnike o pregledu i ocjeni ponuda broj: 01-04-1758/21-2 od 27.07.2021. godine, broj: 01-04-1758/21-3 od 02.08.2021. godine i broj: 01-04-1758/21-4 od 02.08.2021. godine, te Preporuku za poništenje postupka javne nabavke broj: 01-04-1758/21-5 od 02.08.2021. godine u postupku predmetne javne nabavke robe.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 4 (četiri) i to:

1. „INGEL“ d.o.o. Tuzla, sa sjedištem u ulici M. M. Dizdara do B11, PZC „Stupine“ 45A/P, 75000 Tuzla (datum predaje ponude 21.07.2021. godine; vrijeme predaje ponude 13:40 h),
2. „IMEL“ d.o.o. Lukavac, sa sjedištem u ulici Skendera Kulenovića bb. 75300 Lukavac (datum predaje ponude 22.07.2021. godine; vrijeme predaje ponude 08:36 h),
3. „DISTI“ d.o.o. Sarajevo, sa sjedištem u ulici Safeta Zajike br. 2. 71000 Sarajevo (datum predaje ponude 22.07.2021. godine; vrijeme predaje ponude 10:20 h),
4. „RIMENERG“ d.o.o. Banovići, sa sjedištem u ulici Zinarska br. 15. 75290 Banovići (datum predaje ponude 22.07.2021. godine; vrijeme predaje ponude 11:30 h),

- da su blagovremeno zaprimljene 4 (četiri) ponude,

- da nema neblagovremenih ponuda,

- da su sve ponude ocijenjene **NEPRIHVATLJIVIM**, te odbačene iz slijedećih razloga:

#### 1. „INGEL“ d.o.o. Tuzla

Pregledom dokaza tehničke dokumentacije tražene tačkom 20. a u vezi sa tačkom 14. tenderske dokumentacije, kao **obavezan** sastavni dio ponude, na osnovu kojeg je izvršena ocjena ispunjavanja uslova u pogledu tehničkih karakteristika ponuđene robe u odnosu na tražene tehničke karakteristike iz rubrike „Opis robe“ obrasca za cijenu ponude, Komisija za javne nabavke Ugovornog organa utvrdila je i konstatuje da **ponuđena roba NE ISPUNJAVA tražene uslove u pogledu tehničkih karakteristika.**

- Stavka 1. Obrasca za cijenu ponude „Desktop PC“, ponuđeni model Lenovo V50s 071MB SSF serije 11EF
  - Monitor Lenovo ThinkVision S22e-19 – EPEAT Silver (traženo EPEAT Gold)

Na osnovu navedenog i na osnovu člana 57. stav 1. i člana 68. stav 4. tačka i), Zakona o javnim nabavkama BiH, ponuda ponuđača „INGEL“ d.o.o. Tuzla **odbacuje se kao neprihvatljiva**, jer ne ispunjava zahtjeve iz Tenderske dokumentacije.

#### 2. „IMEL“ d.o.o. Lukavac

Pregledom dokaza tehničke dokumentacije tražene tačkom 20. a u vezi sa tačkom 14. tenderske dokumentacije, kao **obavezan** sastavni dio ponude, na osnovu kojeg je izvršena ocjena ispunjavanja uslova u pogledu tehničkih karakteristika ponuđene robe u odnosu na tražene tehničke karakteristike iz rubrike „Opis robe“ obrasca za cijenu ponude, Komisija za javne nabavke Ugovornog organa utvrdila je i konstatuje da **ponuđena roba NE ISPUNJAVA tražene uslove u pogledu tehničkih karakteristika.**

- Stavka 1. Obrasca za cijenu ponude „Desktop PC“, ponuđeni model Lenovo V50s 071MB SSF serije 11EF
  - Operativni sistem Windows 10 Pro, nije instaliran direktno od proizvođača.
  - Miš: USB, optički, sa skrolom, nije navedeno da se sa skrolom
  - Nema sound sistem HD Audio
  - Kućište: SFF, max 260W napajanje sa promjenjivom brzinom vrtnje ventilatora, Autosensing 85% PSU, nije navedeno. Naveden je samo podatak „P/S 180W 85%“.

Na osnovu navedenog i na osnovu člana 57. stav 1. i člana 68. stav 4. tačka i), Zakona o javnim nabavkama BiH, ponuda ponuđača „IMEL“ d.o.o. Lukavac **odbacuje se kao neprihvatljiva**, jer ne ispunjava zahtjeve iz Tenderske dokumentacije.

### 3. „DISTI“ d.o.o. Sarajevo

Pregledom dokaza tehničke dokumentacije tražene tačkom 20. a u vezi sa tačkom 14. tenderske dokumentacije, kao **obavezan** sastavni dio ponude, na osnovu kojeg je izvršena ocjena ispunjavanja uslova u pogledu tehničkih karakteristika ponuđene robe u odnosu na tražene tehničke karakteristike iz rubrike „Opis robe“ obrasca za cijenu ponude, Komisija za javne nabavke Ugovornog organa utvrdila je i konstatuje da **ponuđena roba NE ISPUNJAVA tražene uslove u pogledu tehničkih karakteristika**.

Navodimo samo nekoliko nedostataka:

- Stavka 1. Obrasca za cijenu ponude „Desktop PC“, ponuđeni model DELL Inc Optiplex 3080 SFF
  - Operativni sistem Windows 10 Pro, nije instaliran direktno od proizvođača.
  - Slotovi za proširenje, nedostaje 1 x PCIe 3.0x1 i dva slobodna M.2 slota (jedan za Wlan i drugi za SSD/Optane).
  - Nema Sound sistem HD Audio.
  - Nema garancije za PC
- Stavka 2. Obrasca za cijenu ponude „Laptop“, ponuđeni model DELL Inc Inspiron 3501
  - Nedostaje integrisan dvostruki mikrofoni.

Te niz drugih tehničkih karakteristika koje ponuđeni modeli ne ispunjavaju, a konstatovani su poređenjem sa tehničkim karakteristikama koje su proizvođači ponuđenih modela objavili na svojim internet stranicama.

Na osnovu navedenog i na osnovu člana 57. stav 1. i člana 68. stav 4. tačka i), Zakona o javnim nabavkama BiH, ponuda ponuđača „DISTI“ d.o.o. Sarajevo **odbacuje se kao neprihvatljiva**, jer ne ispunjava zahtjeve iz Tenderske dokumentacije.

### 4. „RIMENERG“ d.o.o. Banovići

Tačkom 20. tenderske dokumentacije propisan je minimum dokumentacije (dijelova i priloga) koju ponuda **MORA** sadržavati, a bez kojih se ponuda neće uzeti u daljnje razmatranje. Stav i) iste tačke zahtijeva dostavljanje Tehničke dokumentacije (opisa) ponuđene robe (u skladu sa tačkom 14. TD).

Tačkom 14. tenderske dokumentacije od ponuđača se traži da uz popunjen obrazac za cijenu ponude dostave tehnički opis ponuđene robe sa tačnim modelima, specifikacijom i pripadajućim dodacima iz kojeg se nedvosmisleno vidi da ponuđena oprema odgovara traženoj u obrascu za cijenu ponude. Naglašeno je da ukoliko ponuđač propusti dostaviti tehnički opis ponuđene robe i/ili se ustanovi da određena ponuđena roba ne ispunjava uslove u pogledu tehničkih karakteristika, **ponuda će biti odbačena kao neprihvatljiva**.

Ponuđač „RIMENERG“ d.o.o. Banovići je propustio dostaviti navedeni dokument (dokaz), te se primjenom člana 57. stav 1., člana 68. stav 1. i člana 68. stav 4. tačka i), Zakona o javnim nabavkama BiH, ponuda ponuđača „RIMENERG“ d.o.o. Banovići **odbacuje jer nije potpuna** i samim tim neprihvatljiva.

Pravni osnov za poništenje postupka javne nabavke prema Preporuci Komisije za javne nabavke sadržan je u članu 69. stav 2. tačka d). Zakona o javnim nabavkama („Službeni glasnik BiH“, broj: 39/14) tj. iz razloga što nijedna od primljenih ponuda nije prihvatljiva.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je preporuka o poništenju postupka javne nabavke donesena na osnovu razloga propisanih Zakonom o javnim nabavkama

Iz navedenih razloga, primjenom člana 69. stav 2. tačka b. Zakona o javnim nabavkama odlučeno je kao u dispozitivu ove Odluke.

**POUKA O PRAVNOM LIJEKU:**

Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru, putem ugovornog organa u roku od 10 dana od dana prijema ove Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

**DOSTAVITI:**

1x Svim ponuđačima koji su učestvovali u postupku JN  
1x U spis

